

**პროგრამის „0716 სოფლისა და სოფლის მეურნეობის განვითარების ხელშეწყობა“
ღონისძიების „სასოფლო-სამეურნეო გაერთიანებებისა და საოჯახო მეურნეობების
განვითარების ხელშეწყობა“ განხორციელების წესი**

მუხლი 1. ტერმინთა განმარტება

1. **სამინისტრო** - აჭარის ავტონომიური რესპუბლიკის სოფლის მეურნეობის სამინისტრო;
2. **მინისტრი** - აჭარის ავტონომიური რესპუბლიკის სოფლის მეურნეობის მინისტრი;
3. **პროგრამა** - „0716 სოფლისა და სოფლის მეურნეობის განვითარების ხელშეწყობა“;
4. **ღონისძიება** - „სასოფლო-სამეურნეო გაერთიანებებისა და საოჯახო მეურნეობების განვითარების ხელშეწყობა“;
5. **ამხანაგობა** - საქართველოს სამოქალაქო კოდექსით გათვალისწინებული ფიზიკურ პირთა ერთობლივი საქმიანობა;
6. **საოჯახო მეურნეობა** - სასოფლო-სამეურნეო დანიშნულების მიწის ნაკვეთისა და მასზე არსებული საცხოვრებელი სახლის, სამეურნეო ნაგებობის, გადამამუშავებელი მრეწველობის ობიექტების ან/ და მოწყობილობების ერთობლიობა, რომელიც უზრუნველყოფს სასოფლო-სამეურნეო პროდუქციის წარმოებას;
7. **სასოფლო-სამეურნეო გაერთიანება** - გაერთიანებები (გარდა სახელმწიფო, აჭარის ავტონომიური რესპუბლიკისა და ადგილობრივი თვითმმართველობის ქონების, წევრობაზე დაფუძნებული და წილობრივი მონაწილეობით შექმნილი პირები), მათ შორის:
 - 7.1. **ფიზიკურ პირთა გაერთიანება** - საქართველოს მოქალაქეები (სრულწლოვანი - 18 წელს მიღწეული), რომლებიც ერთობლივ სასოფლო-სამეურნეო საქმიანობას ეწევიან;
 - 7.2. **სასოფლო-სამეურნეო კოოპერატივ(ებ)ი**;
 - 7.3. **არასამეწარმეო (არაკომერციული) იურიდიული პირ(ებ)ი**, რომლის საქმიანობის მიზანია სოფლის მეურნეობის განვითარება;
 - 7.4. **ამხანაგობა** ფიზიკურ პირთა სასოფლო-სამეურნეო მიმართულების ერთობლივი საქმიანობა.
8. **განმცხადებელი** - საქართველოს მოქალაქე (სრულწლოვანი - 18 წელს მიღწეული) ფიზიკური პირი და სასოფლო-სამეურნეო გაერთიანება;
9. **განაცხადი** - წერილობითი დოკუმენტები, რომელიც დეტალურად აღწერს განმცხადებლის საქმიანობის მიმდინარე მდგომარეობას, მიზნებს და ამ მიზნების მიღწევისთვის აუცილებელ ქმედებებს;

10. **განაცხადზე თანდართული დოკუმენტაცია** - პოტენციური ბენეფიციარის მიერ განაცხადზე ამ წესით განსაზღვრული თანდართული დოკუმენტები;
11. **პოტენციური ბენეფიციარი** - განმცხადებელი, რომელთანაც შესაძლებელია გაფორმდეს თანადაფინანსების ხელშეკრულება.
12. **ბენეფიციარი** - ფიზიკური პირი ან სასოფლო-სამეურნეო გაერთიანება, რომელთანაც გაფორმდა თანადაფინანსების ხელშეკრულება;
13. **მიმწოდებელი**¹ - მეწარმე ფიზიკური (მ.შ. მცირე ბიზნესის სტატუსის მქონე მეწარმე ფიზიკური პირ(ებ)ი) ან/და იურიდიული პირ(ებ)ი, ასევე მიკრო ბიზნესის სტატუსის მქონე ფიზიკური პირ(ებ)ი, რომლებიც ახორციელებენ ღონისძიების ფარგლებში საქონლის მიწოდებას ან / და მომსახურების მიწოდებას;
14. **სანერგე მეურნეობები / იმპორტიორები** - ა(ა)იპ "სოფლის განვითარების სააგენტოს" პროგრამაში "დანერგე მომავალი" ჩართული სანერგე მეურნეობები / იმპორტიორები;
15. **ბენეფიციართა შესარჩევი კომისია** - ღონისძიების ფარგლებში მინისტრის ბრძანებით შექმნილი ბენეფიციართა შესარჩევი კომისია;
16. **სახელშეკრულებო ღირებულება** - ღონისძიების ფარგლებში განაცხადით გათვალისწინებული თანხის საერთო ჯამური ღირებულება საქართველოში მოქმედი გადასახადების ჩათვლით, რაც მოიცავს სამინისტროს თანადაფინანსებას და ბენეფიციარის თანამონაწილეობის თანხას;
17. **თანადაფინანსების სამმხრივი ხელშეკრულება** - სამინისტროს, მიმწოდებელსა და ბენეფიციარს შორის გაფორმებული იურიდიული ძალის მქონე დოკუმენტი, რომელიც განსაზღვრავს ღონისძიების „სასოფლო-სამეურნეო გაერთიანებებისა და საოჯახო მეურნეობების განვითარების ხელშეწყობა“ ფარგლებში მხარეებს შორის უფლება-მოვალეობებს;
18. **თანადაფინანსება**² - თანადაფინანსების ხელშეკრულებით განსაზღვრული სამინისტროს თანამონაწილეობის თანხა;
19. **ბენეფიციარის თანამონაწილეობა** - ბენეფიციარის მიერ გასაწევი ფინანსური რესურსი, რომელიც ბენეფიციარის მიერ გამოიყენება თანადაფინანსების შესახებ ხელშეკრულების გაფორმების შემდეგ, მხოლოდ ღონისძიების მიზნებისთვის, უნაღდო ანგარიშსწორების ფორმით და დასტურდება შესაბამისი დოკუმენტაციით;

¹ პირი, ინვოისის გაწერის პერიოდში, უნდა იყოს რეგისტრირებული ქვეყანაში მოქმედი კანონმდებლობის შესაბამისად;

² თანადაფინანსება - სამინისტროს მიერ ბენეფიციარის უსასყიდლო მიზნობრივი თანადაფინანსება (დახმარება), რომელიც არ წარმოადგენს გრანტების შესახებ საქართველოს კანონით გათვალისწინებულ გრანტს და ექვემდებარება დაბეგვრას მოქმედი საგადასახადო კანონმდებლობის შესაბამისად.

20. **ბენეფიციარის შერჩევის კრიტერიუმები** - პირობები, რომელთა კონკურენტულ გარემოში შეფასების უკეთესი შედეგის საფუძველზე, განმცხადებელი შესაძლებელია გახდეს ბენეფიციარი;
21. **ცოცხალი ცხოველი** - ფრინველი, ფუტკარი, თევზი, ყველა სახის წყალ-ხმელეთის ძუძუმწოვარი ცხოველები, საინკუბაციო კვერცხი, განაყოფიერებული ქვირითი და სხვა;
22. **საბრუნავი საშუალება** – ის მიმდინარე აქტივი, რომლის ფულად ქცევა შესაძლებელია ერთი საოპერაციო ციკლის განმავლობაში;
23. **ძირითადი საშუალება** – მატერიალური აქტივი, რომელსაც პირი იყენებს საქონლის წარმოების, საქონლის მიწოდების/ მომსახურების გაწევისას, რომლის სასარგებლო გამოყენების ვადა ერთ წელზე მეტია;
24. **დასკვნა ფასთა ადეკვატურობაზე** - სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სსიპ „აკრედიტაციის ეროვნული ორგანოს - აკრედიტაციის ცენტრის“ მიერ აკრედიტებული პირების ან საქართველოს ფინანსთა სამინისტროს სისტემაში შემავალი სახელმწიფო საქვეუწყებო დაწესებულების - ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ წარმოებულ რეესტრში არსებული პირის მიერ გაცემული საექსპერტო/ აუდიტორული დასკვნა, განაცხადში წარმოდგენილი თანხების საქონლის/ მომსახურების საბაზრო ფასებთან შესაბამისობაზე, რომელშიც აღწერილია დასკვნის მომზადების მეთოდოლოგია და თან ერთვის დასკვნის მომზადებისთვის გამოყენებული ბაზრის კვლევა, ფოტომასალა, ინვოისები / ზედნადებები და სხვა;
25. **პროგრამის განხორციელების არეალი** - აჭარის ავტონომიური რესპუბლიკის ადმინისტრაციულ საზღვრებში არსებული ტერიტორია, გარდა ქალაქ ბათუმის ადმინისტრაციულ საზღვრებში შემავალი ტერიტორიისა, რომელიც განსაზღვრული იყო თვითმმართველი ქალაქ ბათუმის საკრებულოს 2011 წლის 05 აპრილის №64 განკარგულების მიღებამდე;
26. **განაცხადის შესწავლა** - სამინისტროს პროგრამების განხორციელების დეპარტამენტის განაცხადების განხილვისა და შეფასების განყოფილების მიერ განაცხადის შესაბამისობის დადგენა ამ წესის მოთხოვნებთან;
27. **მონიტორინგი ადგილზე გასვლით** - განაცხადში მითითებული ადგილმდებარეობის შესწავლა, დათვალიერების აქტის შედგენა.

მუხლი 2. ზოგადი დებულებები

1. ეს წესი აწესრიგებს სამინისტროს მიერ თანადაფინანსების პირობებს და პროცედურებს;
2. ღონისძიება განკუთვნილია სასოფლო-სამეურნეო გაერთიანებებისა და საქართველოს მოქალაქე ფიზიკური პირებისათვის, რომელთაც სურთ სასოფლო-სამეურნეო გაერთიანებებისა და საოჯახო მეურნეობების განვითარება სასოფლო-სამეურნეო საქმიანობის მიმართულებით;
3. ღონისძიების ადმინისტრირებას (განაცხადების მიღება - დამუშავება, ბენეფიციართა შერჩევა, ხელშეკრულების გაფორმება-მართვა, თანადაფინანსება, მონიტორინგი) ახორციელებს სამინისტრო;
4. ღონისძიების დაფინანსების წყაროა აჭარის ავტონომიური რესპუბლიკის რესპუბლიკური ბიუჯეტი.

მუხლი 3. ღონისძიების მიზანი, ამოცანები, პრიორიტეტები და პირობები

1. **ღონისძიების მიზანი** - სასოფლო-სამეურნეო გაერთიანებებისა და საოჯახო მეურნეობების ფინანსურ რესურსებზე ხელმისაწვდომობის გაზრდით სასოფლო-სამეურნეო პროდუქციის წარმოების განვითარების ხელშეწყობა;
2. **ღონისძიების ამოცანები:**
 - 2.1. საოჯახო მეურნეობების კონკურენტუნარიანობის ზრდის ხელშეწყობა;
 - 2.2. სასოფლო-სამეურნეო გაერთიანებების განვითარების ხელშეწყობა.
3. **ღონისძიების პრიორიტეტები:**
 - 3.1. სასოფლო-სამეურნეო საქმიანობის მხარდაჭერა;
 - 3.2. შემნახველ-გადამამუშავებელი საქმიანობის მხარდაჭერა;
 - 3.3. მოსახლეობის დასაქმების ხელშეწყობა;
 - 3.4. სასოფლო-სამეურნეო საქმიანობაში ინოვაციური იდეების მხარდაჭერა;
 - 3.5. სასოფლო-სამეურნეო საქმიანობაში ახალგაზრდების³ მხარდაჭერა;
 - 3.6. სასოფლო-სამეურნეო საქმიანობაში შშმ პირთა მხარდაჭერა;
 - 3.7. სასოფლო-სამეურნეო საქმიანობაში ქალთა მხარდაჭერა;
 - 3.8. გარემოს დაცვისა და ბუნებრივი რესურსების რაციონალური გამოყენების მხარდაჭერა;

³ ღონისძიების მიზნებისათვის - პირი, რომლის ასაკი სამინისტროში განაცხადის წარდგენის მომენტისათვის 18-29 წელს შეადგენს.

3.9. ენერგოეფექტური და განახლებადი ენერჯის მიმართულების მხარდაჭერა.

4. ღონისძიების მიმართულებები:

4.1. მემცენარეობა:

4.1.1. მემცენარეობის მიმართულებით თანადაფინანსება განხორციელდება მრავალწლიანი ხეხილოვანი კულტურების ბაღების მოწყობა, არსებულის აღდგენა-განახლება:

4.1.1.1. მრავალწლიანი ხეხილოვანი კულტურების ნერგების შესყიდვა ა(ა)იპ "სოფლის განვითარების სააგენტოს" სახელმწიფო პროგრამაში "დანერგე მომავალი" ჩართული სანერგე მეურნეობებიდან ან/ და იმავე პროგრამაში ჩართული იმპორტიორი კომპანიებიდან;

4.1.1.2. აგროქსოვილის (მულჩიფირის/სამულჩე ქსოვილის) შესყიდვა;

4.1.1.3. სარწყავი სისტემების შესყიდვა;

4.1.1.4. საყრდენი სისტემების (რკინა-ბეტონის ბოძები) შესყიდვა;

4.1.1.5. სიციხისა და სეტყვისგან დამცავი საშუალებების შესყიდვა;

4.1.1.6. სასოფლო-სამეურნეო წარმოების შესაბამისი მოცულობის სამაცივრე დანადგარების შესყიდვა-მოწყობა.

! სასოფლო-სამეურნეო გაერთიანებებისა და საოჯახო მეურნეობების მიერ მრავალწლიანი სასოფლო-სამეურნეო კულტურების ბაღების კომპონენტში ერთი პროექტის ფარგლებში დაფინანსდება სსიპ – საჯარო რეესტრის ეროვნულ სააგენტოში რეგისტრირებული, ბენეფიციარის საკუთრებაში ან/და თანასაკუთრებაში ან/და სარგებლობაში - 0.1 ჰა-დან - 0.5 ჰა-მდე ფართობის სასოფლო-სამეურნეო მიწის ნაკვეთზე არსებული ან/ და ახალი სასოფლო-სამეურნეო ბაღის მოწყობა.

! მრავალწლიანი ხეხილოვანი კულტურების ნერგის, აგროქსოვილის (მულჩიფირის / სამულჩე ქსოვილის), წვეთოვანი სარწყავი სისტემისა და საყრდენი რკინა-ბეტონის ბოძების რაოდენობისა და სამინისტროს მხრიდან თანადაფინანსების ლიმიტი - 0,1 ჰა-ზე განისაზღვრება ამ წესის დანართი №1-ით.

4.2. მეცხოველეობა:

4.2.1. მეცხოველეობის მიმართულებით თანადაფინანსება განხორციელდება განმცხადებლის მეურნეობისათვის შესაბამისი სიმძლავრის:

4.2.1.1. მეცხოველეობის პროდუქციის წარმოება-გადამუშავებისათვის საჭირო მანქანა-დანადგარების შესყიდვა-მოწყობა;

4.2.1.2. მეცხოველეობის საკვებწარმოებისათვის საჭირო მანქანა-დანადგარების შესყიდვა-მოწყობა;

4.2.1.3. მეცხოველეობის ფერმ(ებ)ის აღჭურვა-მოწყობისათვის საჭირო ტექნიკური და ტექნოლოგიური საშუალებების შესყიდვა-მოწყობა;

4.2.1.4. სამაცივრე დანადგარების შესყიდვა-მოწყობა.

4.3. სოფლის მეურნეობის ტექნოლოგიური და ტექნიკური საშუალებები:

4.3.1. სოფლის მეურნეობის ტექნოლოგიური და ტექნიკური საშუალებების მიმართულებით თანადაფინანსება განხორციელდება განმცხადებლის მეურნეობისათვის შესაბამისი სიმძლავრის:

4.3.1.1. სასოფლო-სამეურნეო ტექნიკა;

4.3.1.2. პროდუქციის წარმოება-გადამუშავებისათვის საჭირო მანქანა-დანადგარების შესყიდვა-მოწყობა;

4.3.1.3. სამაცივრე დანადგარების შესყიდვა-მოწყობა;

4.3.1.4. კლიმატის შემქმნელი ენერგომატარებლების შესყიდვა-მოწყობა (ენერჯის ალტერნატიული წყაროების დანერგვა: ბიოგაზი, მზის პანელები და სხვა).

! საოჯახო მეურნეობას და სასოფლო-სამეურნეო გაერთიანებას უფლება აქვს ღონისძიების მიმართულებების ფარგლებში წარადგინოს არაუმეტეს - ერთი განაცხადი, ამასთან არაუმეტეს ერთი მიმართულებით, ამ წესით განსაზღვრული ფორმით (დანართი №2) და თანდართული დოკუმენტებით (დანართი №3);

! განაცხადით წარმოდგენილ ერთგვაროვან საქონელზე (დანართი №4), შესყიდვის საბაზისო ფასი განისაზღვრება წარმოდგენილი ინვოისების მიხედვით უმცირესის ოდენობით, ხოლო ცალკეულ შემთხვევებში (არაერთგვაროვან საქონელზე), სამინისტროს მოთხოვნით - ფასთა ადეკვატურობაზე დასკვნის საფუძველზე, საიდანაც სამინისტროს თანადაფინანსების ოდენობა იქნება არაუმეტეს - 70%. აღნიშნულ შემთხვევაში არ იქნება მხედველობაში მიღებული საქონლის მარკა და წარმოშობის ქვეყანა;

! სასოფლო-სამეურნეო ტექნიკის მიმართულებით განაცხადის წარმოდგენის შემთხვევაში:

I. საოჯახო მეურნეობისათვის - განმცხადებელს საკუთრებაში ან/და თანასაკუთრებაში ან/და სარგებლობაში უნდა გააჩნდეს არანაკლებ - 0,25 ჰა (დასაშვებია ცვლილება „-1%“) სასოფლო-სამეურნეო დანიშნულების მიწის ნაკვეთ(ებ)ი. აჭარის ავტონომიური რესპუბლიკის სოფლის მეურნეობის სამინისტროს თანამონაწილეობის თანხა, ერთეულ საქონელზე შეადგენს ღირებულების 70 %-ს, მაგრამ - არანაკლებ 500.0 ლარს და არაუმეტეს 1,200.0 ლარს;

II. სასოფლო-სამეურნეო გაერთიანებისათვის (პუნქტი 4.3.1.1 მიზნებისთვის სასოფლო-სამეურნეო გაერთიანებას წარმოადგენს სასოფლო-სამეურნეო კოოპერატივი და ამხანაგობა, რომლებიც აერთიანებენ არანაკლებ 5 წევრს) - განმცხადებელს საკუთრებაში ან/და თანასაკუთრებაში ან/და სარგებლობაში უნდა გააჩნდეს ერთი ადმინისტრაციული ერთეულის საზღვრებში - არანაკლებ 1,5 ჰა (დასაშვებია ცვლილება „-1%“) სასოფლო-სამეურნეო დანიშნულების მიწის ნაკვეთ(ებ)ი. აჭარის ავტონომიური რესპუბლიკის სოფლის მეურნეობის სამინისტროს თანამონაწილეობის თანხა, ერთეულ საქონელზე შეადგენს ღირებულების 70 %-ს, მაგრამ - არანაკლებ 500.0 ლარს და არაუმეტეს 20,000.00 ლარს.

! ღონისძიების ფარგლებში საოჯახო მეურნეობისათვის დაფინანსდება მხოლოდ ერთი სახეობის და ერთი ერთეული სასოფლო-სამეურნეო ტექნიკა, ხოლო სასოფლო-სამეურნეო გაერთიანებისათვის დასაშვებია, ასევე მისაბმელი აგრეგატების (გარდა სატრანსპორტო მისაბმელისა) შესყიდვის თანადაფინანსება.

! განმცხადებელს, განაცხადის წარმოდგენის ეტაპზე თხილის სარჩევის, საკრეფისა და სატეხი დანადგარის მიმართულებით განაცხადის წარმოდგენის შემთხვევაში, საკუთრებაში ან/და თანასაკუთრებაში ან/და სარგებლობაში უნდა გააჩნდეს არანაკლებ - 0,5 ჰა (დასაშვებია ცვლილება „-1%“) სასოფლო-სამეურნეო დანიშნულების მიწის ნაკვეთ(ებ)ი, სადაც გაშენებულია თხილის ბაღი.

5. განაცხადების წარდგენის ვადები

ღონისძიების ფარგლებში განაცხადების წარდგენის ვადებს განსაზღვრავს ბენეფიციართა შესარჩევი კომისია.

6. ღონისძიების ფარგლებში დასაფინანსებელი მიმართულებების ბიუჯეტი

ღონისძიების ფარგლებში გათვალისწინებული ბიუჯეტიდან ცალკეული მიმართულებების მიხედვით დასაფინანსებელი თანხის ოდენობას განსაზღვრავს ბენეფიციართა შესარჩევი კომისია.

7. ღონისძიების ფარგლებში მონაწილეობა:

7.1. საქართველოს მოქალაქე (სრულწლოვანი - 18 წელს მიღწეული) ფიზიკური პირ(ებ)ი და სასოფლო-სამეურნეო გაერთიანებ(ებ)ა;

7.2. ღონისძიებაში ჩართვის მსურველ სასოფლო-სამეურნეო გაერთიანებებს ან/და სასოფლო-სამეურნეო გაერთიანების სუბიექტებს და საოჯახო მეურნეობებს საკუთრებაში ან/და თანასაკუთრებაში ან/და სარგებლობაში უნდა გააჩნდეთ სასოფლო-სამეურნეო დანიშნულების სსიპ - საჯარო რეესტრის ეროვნულ სააგენტოში რეგისტრირებული მიწის ნაკვეთ(ებ)ი. ამასთან, სარგებლობის შემთხვევაში,

სარგებლობის დარჩენილი ვადა, განაცხადის წარდგენის დღის მდგომარეობით უნდა შეადგენდეს არანაკლებ - 10 წელს.

8. ღონისძიების ფარგლებში ბენეფიციართა შერჩევის კრიტერიუმები

ღონისძიების ფარგლებში წარმოდგენილი განაცხადი ფასდება შემდეგი კრიტერიუმების მიხედვით:

- ა. ღონისძიების მიმართულებებთან შესაბამისობა;
- ბ. განაცხადში არსებული იდეის დასაბუთებულობა;
- გ. ინოვაციურობა;
- დ. მდგრადობა;
- ე. გარემოს დაცვისა და ბუნებრივი რესურსების რაციონალური გამოყენება;
- ვ. ენერგოეფექტური და განახლებადი ენერჯის მიმართულების მხარდაჭერა.
- ზ. ბიომეურნეობა (ორგანული, ეკოლოგიური) სასოფლო-სამეურნეო პროდუქციის წარმოება, გადამუშავება და რეალიზაცია;
- თ. შემნახველ-გადამამუშავებელი საქმიანობის მხარდაჭერა;
- ი. ახალგაზრდა განმცხადებელი;
- კ. ქალი განმცხადებელი;
- ლ. შშმ პირი განმცხადებელი;
- მ. გამართული სამოქმედო გეგმა;
- ნ. ბიუჯეტის დასაბუთება;
- ო. თანადაფინანსების დასაბუთება;
- პ. განმახორციელებლის კომპეტენცია, გამოცდილება და მოტივაცია;
- ჟ. განაცხადის ტექნიკური გამართულობა;
- რ. სასოფლო-სამეურნეო გაერთიანებები;
- ს. შესაძლო რისკების ანალიზი, მათი მინიმიზაციისა და მართვის ღონისძიებები;
- ტ. გეოგრაფიული არეალი.

9. შეზღუდვები:

9.1. ღონისძიების ფარგლებში მონაწილეობის მიღების უფლება არ აქვს:

9.1.1. 18 წლამდე ასაკის საქართველოს მოქალაქეებს;

- 9.1.2. უცხო ქვეყნის მოქალაქეებსა და უცხო ქვეყნის იურიდიულ პირებს;
 - 9.1.3. მოქალაქეობის არმქონე პირებს;
 - 9.1.4. პოლიტიკურ პარტიებს;
 - 9.1.5. რელიგიურ ორგანიზაციებს;
 - 9.1.6. საბანკო-საფინანსო ინსტიტუტებს (ბანკი; მიკროსაფინანსო, ლომბარდი და ა.შ.);
 - 9.1.7. იურიდიულ პირებს, გარდა ამ წესით გათვალისწინებული სასოფლო-სამეურნეო გაერთიანებებისა;
 - 9.1.8. ბენეფიციარი არ შეიძლება იყოს ისეთი იურიდიული პირი, რომელშიც პირდაპირ ან ირიბად სახელმწიფო ან/და ავტონომიური რესპუბლიკა ან/და მუნიციპალიტეტი ფლობს წილს, პაის და ა.შ.
- 9.2. განმცხადებელს უფლება აქვს ღონისძიების მიმართულებების ფარგლებში წარადგინოს *არაუმეტეს - ერთი განაცხადი*, ამასთან არაუმეტეს *ერთი მიმართულებით*;
- 9.3. განაცხადის მიზნებისთვის გათვალისწინებულ ქონებაზე არ უნდა იყოს *რეგისტრირებული ყადაღა*;
- 9.4. ღონისძიების ფარგლებში თანადაფინანსება *არ განხორციელდება*:
- 9.4.1. უძრავი ქონების (მიწა, შენობა-ნაგებობები), კონსტრუქციების, სამშენებლო მასალების, სამშენებლო და სარემონტო სამუშაოების შესყიდვაზე (გარდა მანქანა-დანადგარების შესყიდვა-მოწყობა);
 - 9.4.2. საპროექტო-სახარჯთაღრიცხვო დოკუმენტაციის შედგენის მომსახურების შესყიდვაზე;
 - 9.4.3. საწარმოში წილის შესყიდვაზე;
 - 9.4.4. კრედიტებისა და სხვა ვალდებულებების დაფარვაზე;
 - 9.4.5. სხვა საოპერაციო ხარჯების დაფარვაზე (კომუნალური მომსახურება, ნედლეულის შეძენა, შრომის ანაზღაურება, კრედიტის პროცენტი, მარკეტინგი, რეკლამა, გამოკვლევა, სალიზინგო და სარემონტო, წარმომადგენლობითი ხარჯები და ა.შ.);
 - 9.4.6. საბრუნავი საშუალებების შესყიდვაზე (ყველა სახის ნედლეული, სასაქონლო მატერიალური მარაგები, ზოოვეტერინარული მედიკამენტები, ჩითილი, თესლი, მინერალური და ორგანული სასუქები, შხამქიმიკატები და ა.შ.);
 - 9.4.7. შესაღობი მასალის (ბოძები, მავთული, ეკალ-მავთული, მავთულის ბადე, ელექტროლობე და ა.შ.) შესყიდვაზე და ღობის მოწყობაზე;

- 9.4.8. ხარჯებზე, რომელიც არ შეესაბამება განაცხადის მიზნებსა და ამოცანებს;
- 9.4.9. სხვა ნებისმიერ ხარჯებზე, რომელიც ვერ დასტურდება შესაბამისი დოკუმენტაციით (ელექტრონული სასაქონლო ზედნადები, საბანკო ანგარიშსწორების შემთხვევაში - საგადასახადო დავალება და ა.შ.);
- 9.4.10. ცოცხალი ცხოველის შესყიდვაზე;
- 9.4.11. სასათბურე მეურნეობის მოწყობა, განახლება, აღჭურვა;
- 9.4.12. საოჯახო ღვინისა და სპირტის წარმოებისათვის საჭირო ინვენტარისა და დანადგარების შესყიდვაზე;
- 9.4.13. ავტოსატრანსპორტო საშუალებასა და სატრანსპორტო მისაბმელის შესყიდვაზე;
- 9.4.14. სამინისტროს პროგრამების ფარგლებში ბოლო 3 წლის (2020-2022 წ.წ) განმავლობაში დაფინანსებული ანალოგიური სახეობის წარმოების საშუალებები (გარდა ახალი მრავალწლიანი ხეხილოვანი კულტურის ბაღის მოწყობისა).

10. ღონისძიების განხორციელების ეტაპები:

- 10.1. ღონისძიების თაობაზე მოსახლეობის ინფორმირება-კონსულტირება;
- 10.2. განაცხადების მიღება;
- 10.3. განაცხადების ბაზების ფორმირება;
- 10.4. განაცხადების შესწავლა - შეფასება (დანართი №5);
- 10.5. ბენეფიციართა შერჩევა;
- 10.6. თანადაფინანსების შესახებ ხელშეკრულების გასაფორმებლად საჭირო დოკუმენტების მომზადება;
- 10.7. ხელშეკრულების გაფორმება;
- 10.8. ხელშეკრულებით გათვალისწინებული პირობების შესრულება;
- 10.9. ბენეფიციართა ტექნიკური მხარდაჭერა (ექსტენცია);
- 10.10. ღონისძიების შედეგებზე პერიოდული მონიტორინგი;
- 10.11. ღონისძიების შედეგებზე ანგარიშ(ებ)ის მომზადება წარდგენა.

11. განაცხადების მიღება

თანადაფინანსების მიღების მიზნით, დაინტერესებული პირები განაცხადებს ავსებენ დადგენილი ფორმის შესაბამისად და ამავე წესით განსაზღვრულ თანდართულ დოკუმენტებთან ერთად წარადგენენ სამინისტროში.

ცალკეული განაცხადის სპეციფიკიდან გამომდინარე, შესაძლებელია სამინისტროს მიერ მოხდეს დამატებითი დოკუმენტაციის მოთხოვნა. დოკუმენტაციის წარმოდგენა შესაძლებელია განხორციელდეს განაცხადის დამუშავების სხვადასხვა ეტაპზეც.

განაცხადების რეესტრის წარმოებას უზრუნველყოფს პროგრამების განხორციელების დეპარტამენტი.

12. განაცხადის პირველადი შეფასება

განაცხადების შესაბამისობას ამავე წესის მოთხოვნებთან და პროექტის განხორციელების ადგილზე მონიტორინგის უფლებამოსილებას განხორციელებს პროგრამების განხორციელების დეპარტამენტში და პროგრამის ფარგლებში ხელშეკრულების საფუძველზე დასაქმებული პირ(ებ)ი. კონკრეტული პირ(ებ)ის შესახებ ინფორმაციას მინისტრს წარუდგენს პროგრამების განხორციელების დეპარტამენტი.

13. განაცხადების შესაბამისობა წესის მოთხოვნებთან

განაცხადი, წესით გათვალისწინებულ მოთხოვნებთან და აუცილებელ კრიტერიუმებთან შეუსაბამობის შემთხვევაში არ განიხილება.

14. მონიტორინგი პროექტის განხორციელების ადგილზე

უფლებამოსილი პირ(ებ)ის მიერ განაცხადით განსაზღვრულ საქმიანობის ადგილზე განხორციელებული მონიტორინგის საფუძველზე, დგინდება განაცხადში ასახული ინფორმაციის შესაბამისობა და დადგენილი ფორმის (დანართი №5) მიხედვით ენიჭება შეფასების ქულა (დანართი №5.1.).

15. ბენეფიციართა შესარჩევი კომისიის ფორმირება


- ა. ღონისძიების ბენეფიციართა შერჩევას-დამტკიცებას განხორციელებს ბენეფიციართა შესარჩევი კომისია. კომისიის მიერ შერჩეულ ბენეფიციართა შესახებ ინფორმაცია წარედგინება მინისტრს;
- ბ. კომისიის შემადგენლობას, სამინისტროს ხელმძღვანელობასთან შეთანხმებით, მინისტრს დასამტკიცებლად წარუდგენს პროგრამების განხორციელების დეპარტამენტი;
- გ. კომისიის სხდომებს ხელმძღვანელობს კომისიის თავმჯდომარე, მისი არ ყოფნის შემთხვევაში კომისიის თავმჯდომარის მოადგილე;
- დ. კომისიის გადაწყვეტილებები ფორმდება ოქმით, რომელსაც ხელს აწერს კომისიის სხდომაზე დამსწრე ყველა წევრი;
- ე. კომისიის საპროცედურო საკითხებს მართავს კომისიის მდივანი;
- ვ. კომისიის წევრის განსხვავებული აზრი ფიქსირდება სხდომის ოქმში;
- ზ. კომისიის მიერ გადაწყვეტილება მიიღება, კომისიის სხდომაზე დამსწრე კომისიის წევრების ხმათა უმრავლესობით, ღია კენჭისყრის პრინციპის დაცვით. კენჭისყრის დროს

ხმათა თანაბარი გაყოფის შემთხვევაში, გადაწყვეტი მნიშვნელობა ენიჭება კომისიის სხდომის თავმჯდომარის ხმას;

თ. კომისიის სრული დოკუმენტაცია შერჩევის დასრულებისა და შედეგების ძალაში შესვლის შემდეგ, გადაეცემა პროგრამების განხორციელების დეპარტამენტს.

16. ბენეფიციართა შესარჩევი კომისიის მიერ განაცხადების განხილვა

ბენეფიციართა შერჩევის-დამტკიცების პროცედურები:



ბენეფიციართა შესარჩევი კომისია წარმოდგენილი განაცხადების, თანდართული დოკუმენტების, მონიტორინგის შედეგების, ამავე წესით განსაზღვრული კრიტერიუმებისა და საჭიროების შემთხვევაში კომისიის გადაწყვეტილებით ახდენს პოტენციურ ბენეფიციართა ერთიანი სიის ფორმირებას.

საქართველოს საგადასახადო კოდექსის მე-19 მუხლით განსაზღვრულ ინტერესთა კონფლიქტის არსებობის შემთხვევაში კომისიის წევრი ვალდებულია დაუყოვნებლივ განაცხადოს აღნიშნულის თაობაზე. შესაბამისად, კომისიის წევრს საკითხის განხილვაში მონაწილეობა უწყდება.

ბენეფიციართა შესარჩევი კომისია უფლებამოსილია სათანადო საფუძვლის არსებობის შემთხვევაში მოხსნას განაცხადი განხილვიდან.

ბენეფიციართა შესარჩევი კომისია უფლებამოსილია თუ მას ესწრება კომისიის წევრთა ნახევარი მაინც. კვორუმის არარსებობის შემთხვევაში სხდომა ინიშნება სხვა დროს.

ბენეფიციართა შესარჩევი კომისიის წევრები ვალდებულნი არიან დაიცვან კონფიდენციალურობა.

ბენეფიციართა შერჩევა/დამტკიცება

- 3** *გადაწყვეტილების მიღება* - მოიცავს კომისიის წევრების მიერ გამოთქმული მოსაზრებისა და მონიტორინგის შედეგად მიღებული ქულათა ჯამის მიხედვით პოტენციურ ბენეფიციართა ერთიანი სიის ფორმირებას.

ბენეფიციართა შესარჩევი კომისიის მიერ სიის ფორმირებაზე გადაწყვეტილების მიღების დროს, განაცხადთა შეფასების თანაბარი ქულების მიღების შემთხვევაში რიგითობას კომისია

განსაზღვრას ცალკეულ განაცხადებთან მიმართებაში კენჭისყრის გზით, ხმათა უმრავლესობით.

ბენეფიციართა შერჩევას/ დამტკიცებას განხორციელებს ბენეფიციართა შესარჩევი კომისია.

17. ბენეფიციართა ერთიანი სიის გასაჩივრება

ბენეფიციართა შესარჩევი კომისიის გადაწყვეტილების გასაჩივრება შესაძლებელია კანონმდებლობით დადგენილი წესით.

18. ხელშეკრულებების გაფორმება

ბენეფიციართა დამტკიცებული ერთიანი სიის რიგითობის მიხედვით, ღონისძიების ბიუჯეტით განსაზღვრული ფინანსური რესურსის ფარგლებში, თითოეულ ბენეფიციარს, მიწოდებელსა და სამინისტროს შორის ფორმდება თანადაფინანსების სამმხრივი ხელშეკრულება.

ხელშეკრულებების გაფორმების ადმინისტრირებასა და შესაბამისი რეესტრის წარმოებას ახორციელებს პროგრამების განხორციელების დეპარტამენტი.

ბენეფიციარის მიერ ხელშეკრულების გაფორმებაზე უარის თქმის შემთხვევაში, ხელშეკრულება ფორმდება ბენეფიციართა ერთიანი სიის მომდევნო, იგივე ან დაბალბიუჯეტის თანადაფინანსებაზე.

ხელშეკრულების გაფორმების ეტაპზე, განაცხადით განსაზღვრული *თანადაფინანსების მოცულობის ზრდა დაუშვებელია.*

ბენეფიციარი ვალდებულია ღონისძიების ფარგლებში მიღებული საქონელი/ მომსახურება გამოიყენოს მხოლოდ ღონისძიების მიზნობრიობით. აღნიშნული პირობის დარღვევის შემთხვევაში, განიხილება ხელშეკრულების შეწყვეტის საკითხი. ამასთან, ხელშეკრულების შეწყვეტამდე პერიოდში მიწოდებული საქონლისა და მომსახურების ღირებულების ანაზღაურების ვალდებულება სამინისტროს არ წარმოეშობა.

ბენეფიციარი ვალდებულია, პროექტის განხორციელების პროცესში, ხელი შეუწყოს სამინისტროს უფლებამოსილ პირს პროექტის განხორციელების მიმდინარეობაზე მონიტორინგის/ კონტროლის პროცესში და მიაწოდოს სრული ინფორმაცია. აღნიშნული პირობის დარღვევის შემთხვევაში, განიხილება ხელშეკრულების შეწყვეტის საკითხი. ამასთან, ხელშეკრულების შეწყვეტამდე პერიოდში მიწოდებული საქონლისა და მომსახურების ღირებულების ანაზღაურების ვალდებულება სამინისტროს არ წარმოეშობა.

პროექტის ეტაპებით განსაზღვრული ვალდებულებების დროული შეუსრულებლობით საბიუჯეტო წელს გათვალისწინებული ასიგნების ფარგლებში თანადაფინანსების (სუბსიდია) პროცედურების განხორციელების შეუძლებლობის შემთხვევაში, შესაბამისი განხილვისა და დასაბუთების საფუძველზე, მიღებულ იქნეს ქვემოთ ჩამოთვლილთაგან ერთ-ერთი გადაწყვეტილება:

1. ხელშეკრულებაში შესაბამისი ცვლილების გზით ვალდებულებათა შესრულების ვადების კორექტირება;
2. ხელშეკრულებაში შესაბამისი ცვლილების გზით ვალდებულებათა შესრულების ვადების კორექტირება და თანადაფინანსების პროცედურების გათვალისწინება მომდევნო წლის შესაბამისი ღონისძიებით გათვალისწინებული საბიუჯეტო სახსრების ფარგლებში (შესაბამისი ღონისძიების არსებობის შემთხვევაში);
3. შესაბამისი შეთანხმების გაფორმების გზით, კომერციული ბანკის მიერ გაცემული საანგარიშსწორებო თანხის იდენტური ოდენობის საბანკო გარანტიის (საბანკო გარანტიის მოქმედების ვადა 1 თვით უნდა აღემატებოდეს ხელშეკრულების მოქმედების ვადას) საფუძველზე საავანსო ანგარიშსწორების თაობაზე;
4. ხელშეკრულების შეწყვეტის საკითხი (პროექტის დასრულების შესაძლებლობის დაბალი სანდოობის ან სანდოობის არ არსებობის შემთხვევაში). ამასთან, ხელშეკრულების შეწყვეტამდე პერიოდში მიწოდებული საქონლისა და მომსახურების ღირებულების ანაზღაურების ვალდებულება სამინისტროს არ წარმოეშობა.

მიწოდებულთან ღონისძიებით გათვალისწინებული თანადაფინანსების ფარგლებში უნაღლო ანგარიშსწორება განხორციელდება პროექტის/ კომპონენტის სრულად განხორციელების შემდგომ, შესაბამისი მიღება-ჩაბარების აქტის გაფორმებიდან არაუგვიანეს 15 (თხუთმეტი) სამუშაო დღის ვადაში. იმ შემთხვევაში თუ პროექტი მოიცავს სხვადასხვა კომპონენტებს, რომელთა სიცოცხლის უნარიანობა ურთიერთდამოუკიდებელია, მიღება-ჩაბარება და ანგარიშსწორება შესაძლებელია განხორციელდეს დასრულებული კომპონენტების შესაბამისად.

პროექტის განხორციელების პროცესში ბენეფიციარის მხრიდან პროექტის გაგრძელებაზე უარის თქმის შემთხვევაში, განიხილება ხელშეკრულების შეწყვეტის საკითხი. ამასთან, ხელშეკრულების შეწყვეტამდე პერიოდში მიწოდებული საქონლისა და მომსახურების ღირებულების ანაზღაურების ვალდებულება სამინისტროს არ წარმოეშობა.

პროექტის განხორციელების პროცესში, ფაქტობრივი გარემოებების ცვლილების შედეგად, ბენეფიციარის მიერ ვალდებულებათა შესრულების შეუძლებლობის (რესურსებზე ხელმისაწვდომობის არ არსებობა/შეზღუდვა) შემთხვევაში, განიხილება ხელშეკრულების შეწყვეტის საკითხი. ამასთან, ხელშეკრულების შეწყვეტამდე პერიოდში მიწოდებული საქონლისა და მომსახურების ღირებულების ანაზღაურების ვალდებულება სამინისტროს არ წარმოეშობა.

ბენეფიციარის შრომისუუნარობის ან გარდაცვალების შემთხვევაში, ხელშეკრულებით გათვალისწინებული უფლება-მოვალეობები შესაბამისი შეთანხმების საფუძველზე გადავა მოქმედი კანონმდებლობით გათვალისწინებულ უფლებამოსილ პირ(ებ)ზე მისი თანხმობის შემთხვევაში, ხოლო უარის შემთხვევაში განიხილება ხელშეკრულების შეწყვეტის საკითხი.

ამასთან ხელშეკრულების შეწყვეტამდე პერიოდში მიწოდებული საქონლისა და მომსახურების ღირებულების ანაზღაურების ვალდებულება სამინისტროს არ წარმოეშობა.

პროექტის განხორციელების ეტაპზე, შესასყიდი საქონლის/ მომსახურების ფასების ზრდის შემთხვევაში, სამინისტროს არ წარმოეშობა თანადაფინანსების თანხის გაზრდის ვალდებულება.

პროექტის განხორციელების ეტაპზე მიმწოდებლის მიერ მისაწოდებელი/ მიწოდებული საქონლის/ მომსახურების ფასის შემცირების შემთხვევაში, ღონისძიების ფარგლებში გათვალისწინებული თანადაფინანსების თანხა შემცირდება ფაქტობრივი ღირებულების შესაბამისად.

19. თანადაფინანსების სამმხრივი ხელშეკრულებით გათვალისწინებული პირობების შესრულების კონტროლი

ხელშეკრულებით გათვალისწინებული ვალდებულებების შესრულების კონტროლს განახორციელებს, პროგრამების განხორციელების დეპარტამენტში და ღონისძიების ფარგლებში ხელშეკრულების საფუძველზე დასაქმებული პირ(ებ)ი. კონკრეტული პირ(ებ)ის განსაზღვრის შესახებ ინფორმაციას მინისტრს წარუდგენს პროგრამების განხორციელების დეპარტამენტი.

20. საქონლის/ მომსახურების მიწოდება

მიმწოდებლის მიერ ხელშეკრულებით გათვალისწინებული საქონლის/ მომსახურების მიწოდება უნდა განხორციელდეს ხელშეკრულებით გათვალისწინებული პირობების შესაბამისად.

21. მიღება-ჩაბარება და ანგარიშსწორება

ანგარიშსწორება თანადაფინანსების მიზნით განხორციელდება ბენეფიციარისა და მიმწოდებლის მიერ თანადაფინანსების სამმხრივი ხელშეკრულებით განსაზღვრული ვალდებულების შესრულებაზე, სამინისტროს უფლებამოსილი პირ(ებ)ის, მიმწოდებლისა და ბენეფიციარის მიერ გაფორმებული მიღება-ჩაბარების აქტის საფუძველზე.

მიღება-ჩაბარებაზე უფლებამოსილი პირ(ებ)ის შესახებ ინფორმაციას მინისტრს წარუდგენს პროგრამების განხორციელების დეპარტამენტი.

ღონისძიების განხორციელების მიზნით, პირველ რიგში გამოიყენება ბენეფიციარის თანამონაწილეობის თანხა, ხოლო შემდეგ ღონისძიებით გათვალისწინებული თანადაფინანსების თანხა.

ანგარიშსწორება თანადაფინანსების მიზნით განხორციელდება ხელშეკრულებით განსაზღვრულ მიმწოდებელთან.

22. ანგარიშგება

პროგრამების განხორციელების დეპარტამენტი, ღონისძიების შედეგებზე ანგარიშს წარუდგენს სამინისტროს ხელმძღვანელობას. ანგარიში მოიცავს ღონისძიების ფარგლებში გაწეული საქმიანობის შედეგების შესახებ ინფორმაციას.

23. ღონისძიების ბენეფიციართა ტექნიკური მხარდაჭერა (ექსტენცია)

ღონისძიების ბენეფიციარებისა და განხორციელებული პროექტების შესახებ ინფორმაციის საფუძველზე, აგრარული განვითარების დეპარტამენტი გეგმა-გრაფიკის შესაბამისად, უზრუნველყოფს ბენეფიციართა ექსტენციას საჭირო ცოდნისა და ინფორმაციის მიწოდების გზით, რაზედაც ამზადებს შესაბამის ანგარიშებს.

24. ღონისძიების შედეგებზე პერიოდული მონიტორინგი

ღონისძიების ფარგლებში განხორციელებული პროექტების მონიტორინგს, შედეგების შეფასებას და პროცესების გაუმჯობესების უზრუნველყოფის მიზნით შესაბამისი რეკომენდაციების შემუშავებას განხორციელებს მონიტორინგისა და შეფასების დეპარტამენტი.